



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU DEMOKRATSKE STRANKE INVALIDA BOSNE I HERCEGOVINE

Broj: 03-07-6-1518/09
Sarajevo, 09.12. 2009. godine

SADRŽAJ

MIŠLJENJE REVIZORA	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE.....	5
5.1. NALAZI	5
5.2. P R E P O R U K E :	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled finansijskih izvještaja Demokratske stranke invalida Bosne i Hercegovine za 2008. godinu i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Demokratska stranka invalida Bosne i Hercegovine nije ispoštovala odredbe člana 11. stav (3) Zakona o finansiranju političkih stranaka jer finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka.

Pregledom, odnosno kontrolom finansijskog izvještaja, osim gornje napomene nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) izvršila je pregled finansijskih izvještaja Demokratske stranke invalida Bosne i Hercegovine za 2008. godinu i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

U godišnjem finansijskom izvještaju za 2008. godinu Demokratska stranka invalida Bosne i Hercegovine je iskazala prihod u iznosu od 8.055,35 KM, što je prikazano u narednoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	
2	Prilozi fizičkih lica	8.055,35	100,00%
3	Prilozi pravnih lica	0,00	
4	Prihodi od imovine	0,00	
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	0,00	
	Ukupni prihodi:	8.055,35	100,00%

Prema podacima iz godišnjeg finansijskog izvještaja Demokratska stranka invalida je ostvarila rashode u iznosu 1.433,05 KM.

2. PREDSTAVLJANJE POLITIČKE STRANKE

Naziv političke stranke: Demokratska stranka invalida Bosne i Hercegovine. Skraćeni naziv stranke je DSI BiH.

Demokratska stranka invalida je upisana u registar političkih organizacija pod brojem R-I-14/93. Rješenjem Općinskog suda u Tuzli broj: 032-0-Reg-08-001261 od 04.07.2008. godine promijenjen je naziv političke stranke, i novi naziv glasi: Demokratska stranka invalida Bosne i Hercegovine.

Demokratska stranka invalida BiH je navela da joj je sjedište u Tuzli, ulica Zlatarska br. 4¹.

Lica ovlašteno za zastupanje stranke je Zijad Arapčić, predsjednik.

Lice ovlašteno za podnošenje finansijskih izvještaja za 2008. godinu je Snežana Halilagić.

Prema podacima iz finansijskog izvještaja Demokratska stranka invalida Bosne i Hercegovine nema niže nivoe organizovanja.

¹ Prema podacima iz Rješenja Općinskog suda u Tuzli broj: 032-0-Reg-08-001261 od 04.07.2008. godine, sjedište DSI BiH je u Tuzli, ulica Armije R BiH iza br. 23.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Demokratske stranke invalida Bosne i Hercegovine za 2008. godinu i finansijski izvještaj za period od dana podnošenja prijave za ovjeru za izbore do dana ovjere rezultata lokalnih izbora održanih u oktobru 2008. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je Demokratska stranka invalida Bosne i Hercegovine u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Demokratske stranke invalida Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

4. PRETHODNE KONTROLE I REVIZIJE

U prethodnom periodu izvršen je pregled godišnjih finansijskih izvještaja Demokratske stranke invalida Bosne i Hercegovine za 2005., 2006. i 2007. godinu, nakon kojih su izdati izvještaji o pregledu sa mišljenjem revizora, nalazima i preporukom revizije da stranka treba postupati u skladu sa odredbama člana člana 5. stav (1) i člana 11. stav (2), (3) i (4) Zakona o finansiranju političkih stranaka i Pravilnikom o godišnjim finansijskim izvještajima političkih stranaka.

Realizovane preporuke

Stranka je realizovala veći broj preporuka i svoje finansiranje svela u okvir Zakona o finansiranju političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2008. godinu, utvrđeno je da politička stranka i dalje krši odredbe člana 11. stav (3) Zakona o finansiranju političkih stranaka jer finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka.

5. NALAZI I PREPORUKE

5.1. NALAZI

Demokratska stranka invalida Bosne i Hercegovine je prekršila odredbe člana 11. stav (3) Zakona o finansiranju političkih stranaka.²

² Političke stranke su obavezne da Centralnoj izbornoj komisiji BiH podnesu finansijski izvještaj do 31.03. naredne godine u formi koju je odobrila Centralna izborna komisija BiH. Sadržaj i forma finansijskog izvještaja su propisani Pravilnikom o godišnjim finansijskim izvještajima političkih stranaka («Službeni glasnik BiH» broj 61/06).

U finansijskom izvještaju stranka je iskazala prihod u iznosu od 8.055,35 KM. Cjelokupan iznos je iskazan na obrascu 3-a, kao prilog fizičkih lica.

Kontrolom godišnjeg finansijskog izvještaja i dodatne finansijske dokumentacije Demokratske stranka invalida BiH, utvrđeno je da ukupan prihod stranke iznosi 3.055,35 KM i da njegovu strukturu čine prilog jednog fizičkog lica u iznosu od 446,66 KM i prihod iz Budžeta Brčko distrikta u iznosu od 2.608,69 KM.

Stranka je povrat takse za ovjeru za lokalne izbore 2008. godine u iznosu od 5.000,00 KM u finansijskom izvještaju iskazala kao prihod stranke i klasifikovala ga kao prilog od fizičkog lica.

Demokratska stranka invalida BiH u finansijskom izvještaju nije iskazala finansijsku pozajmicu koju je primila od fizičkog lica u iznosu od 8.500,00 KM, što je suprotno odredbama člana 23. stav (1) tačka a) Pravilnika o godišnjim finansijskim izvještajima političkih stranaka.

Troškovi predizborne kampanje

Demokratska stranka invalida BiH je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 466,66 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM³ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Demokratska stranka invalida BiH je u svrhu izborne kampanje za Lokalne izbore 2008. godine mogla potrošiti 429.145,80 KM.

5.2. PREPORUKE :

Demokratskoj stranci invalida BiH se preporučuje da se pridržavaju odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbama člana 11. stav (3) Zakona o finansiranju političkih stranaka, odnosno da finansijske izvještaje podnosi Centralnoj izornoj komisiji Bosne i Hercegovine u formi propisanoj Pravilnikom o godišnjim finansijskim izvještajima političkih stranaka.*

³ Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

Komentar

Demokratska stranka invalida Bosne i Hercegovine nije se očitovala na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2008. godinu koji je stranci dostavljen 30.10.2009. godine.

Mr. Hasida Gušić, šef Službe za reviziju - revizor